

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Meditationum evangelicarum pars tertia, hoc est:
Tractatio evangeliorum tam dominicalium, quam
festivalium, ad recte se sub variis tentationum generibus
gerendum, disposita**

Creide, Hartmann

Francofurti ad Moenum, 1682

Exordium

[urn:nbn:de:bsz:31-126133](#)

portabimus: sed verbum, quod locuti sumus, & non fecimus, judicabit nos in die novissimo, Joh. 12. v. 48.

Reperiuntur homines, qui leviter de Christianismo sentiunt, & omne punctum se tulisse putant, modo verbum Dei audiant, sacra Synaxi utantur, & externo cultui vident. Verum periculosa hæc est persuasio: quæ multos in exitium præcipitavit. Ejusmodi homines procul sunt à Regno cœlorum, nec didicerunt, quid fides sit? quomodo ergo salvabuntur, siquidem sine fide impossibile est placere Deo, Hebr. 11. vers. 6.

Fœminis superbientibus familiare est, ut duo specula adhibeant, alterum à fronte

ponunt, alterum à tergo, ut utrobique fastu suo se oblectent.

Nostrum quoque est, in hoc speculo nos contemplari, & à frontispicio & à tergo, ut peccata commissa lachrymis deleamus, nec minus vitam nostram ad regulam mandatorum Dei compónamus: qui enim habet mandata mea, & servat ea, ille est, qui diligit me, inquit Servator, Joh. 14. vers. 21. Sic aliquando eum in locum veniemus, ubi hujus speculi in ænigmate non amplius indigebimus, sed videbimus Deum à facie ad faciem, in tanta gloria & lætitia, quam oculus non vidit, nec auris audivit, nec in cor hominis adscendit.

Largiatut id nobis Jesus Christus, Amen.

DOMINICA QUINQUAGESIMÆ.

Evangelium Luc. 18. v. 31. - 43.

EXORDIUM.

SPONSa spiritualis, quæ est Ecclesia, & quævis fidelis anima, ita de Sponso suo ait: *Fasciculus Myrræ Dilectus meus mihi, inter ubera mea commorabitur, Can. i. v. 13.*

Hæc allegorica descriptio est, ubi tria notanda:

I. *Dilecti cum Myrra collatio*, ait enim: *Fasciculus Myrræ Dilectus meus mihi.* Per hunc Dilectum, nemo aliud denotatur, quæ Christus cœlestis Sponsus, & optimus & constantissimus amicus noster, qui dilexit suos ab initio in finem, Joh. 13, 1. c. 14, 14.

Quod vero cum Myrra confertur, quin & fasciculus Myrræ appellatur, hoc ipso potissimum sponsa Christi temp^o quadragesimale respicit, ubi in Ecclesia de passione & morte huj^o Amici sui frequenter agitur. Quemadmodum enim Myrra amara est, & tamen gratu^o odorē spargit, quin & ad vulnera medicina utiliter adhibetur: Ita etiam Servatori nostro passio sua non dulcis & jucunda, sed amara & dolorifica fuit, unde ipse ait: *Servire me fecisti in peccatis tuis, præbuisti mihi laborem, in iniquitatibus tuis, Esa. 43, 24.* Verum hoc ipso odor suavitatis

vitatis non modò ad Deum adscendit, ad eum expandum, Ephes. 5. v. 2. sed & voce Evangelii dispersus est in toto mundo, ita ut ubique innotuerit nomen Domini, quod velut odor optimorum oleorum corda fidelium replet, Cant. 1. v. 3. ut quasi virtutem mutant, Isa. 40. v. 31. & odore illo virtute reficiantur ad vitam æternam, 2. Cor. 2. v. 16.

2. *Myrrhae infasciculum collagio.* Sicut enim cœlestis Sponsus cap. 5. v. 1. hujus Cantici ait: Messui Myrrham meam: hoc ipsum spiritualis Christi Sponsa approbat, inquiens: Fasciculus Myrrhae Dilectus meus mihi q. d. ex messis illis Myrrhis fasciculum faciam. Quod fit, quando omnia, quæ Christus in diebus carnis, propter nos fecit & sustinuit, colligimus, & devotè consideramus, nempe incarnationem, passionem, mortem, resurrectionem, & in cœlo ad ascensionem &c.

3. *Fasciculus hujus inter ubera collocatio:* addit enim Sponta: Inter ubera mea commorabitur, q. d. cordi meo innatus est, ut nequeam ejus obliuisci. Quemadmodum de medio uberum auferre, idem est, ac abdere, ac dimittere, Es. 2. v. 2. Ita per hanc phrasin, perpetua recordatio, quæ passioni Christi impenditur, denotatur, & fit

1. *Per intimam dilectionem.* Si quid in pectore portamus, id ipsum nos diligere hoc ipso profitemur. Sicut Johannes recubuit super petrus IESU, quia dilexit eum, Joh. 21. v. 22. sic diligamus nos Christum, quoniam prior dilexit nos, 1. Joh. 4. v. 19.

2. *Per fideli applicationem.* Non sufficit, ut in genere sciamus, Christum mortuum esse & resurrexisse: sed quilibet sibi id in indi-

viduo applicet, necesse est, dicens: Christus dilexit me, & tradidit semetipsum pro me, Gal. 2. v. 20.

3. *Per quotidianam meditationem.* Quod inter ubera portamus, ejus semper recordamur. Ita semper passionis Dominicæ recordemur, ut per illam non modò à peccatis abstrahamur: sed & ad pietatem excitemur, & in virtute ejus Diabolo resistamus, quo fine & sacra Cœna à Christo instituta est, ut ejus occasione mortem Domini semper annunciemus, 1. Cor. 11 v. 26.

Quia igitur Servator ipse de passione sua prædicare incipit, & eo ad salutarem passionis suæ meditationem nos excitat, idè nos hoc ipso initium facturi considerabimus pro instituti ratione,

- I. *Tripliæ Querelam.*
- II. *Tripliæ Medelam.*
- III. *Tripliæ Cautelam.*

J. J.

Exegesis.

Quotidiana Christiani lectio, sit Dominica passionis meditatio. inquit devotus Beinhardus. Quodsi enim quis gratiam fidei jussoris sui obliuisci non debet: quia dedit animam suam pro eo, Sir. 29. v. 20. Quanto magis officii nostri erit, ut quotidie in memoriam nobis revocemus, immeritum illud beneficium Jesu Christi, qui dedit semetipsum pro nobis, ut nos redimeret ab omni iniustitate, & mundaret sibi populum, peculiarem zelotem bonorum operum, Tit. 2. v. 14.

Hac dñe Christus Discipulis suis concionatur, ubi ultimo itineri Hierosolymi-